

地者必先推表山川蓋山川者地理之經緯也山以宣  
其氣水以流其情萃焉推焉灑焉播焉而民性生焉風俗形  
焉命邦邑表宅閭胥於是成焉縣居太行之首崇岡複嶺屏  
列於北而腹縈沁水聯以丹濟川原脈絡於是為大考驗命  
古詳其端委為山川志

太行山在縣北二十里山海經北次三經之首曰太行之山  
郭璞注今在河內野王縣西北漢晉書地理志並云河內郡  
野王太行山在西北列子湯問篇作太形山又名秦垌淮南  
子武王欲築宮於五行之山周公曰五行險固德能覆也高  
誘注今太行山也左傳齊侯伐晉為一隊入孟門登太行穆

河內縣志 山川志 卷九

天子傳天子命駕八駿之乘赤驥之駒南征翔行逕絕翟道  
奔於太行南濟於河五代漢初河陽來附契丹崔延勳等自  
澤州引兵南逼河陽嵩山賊帥張遇赴救戰於南阪敗死南  
唐河內山麓曰太行南阪也元和縣志引魏征記曰  
太行首始於河內北至幽州乾隆府志云太行山西自清源  
東接河內修武輝縣林縣至磁州縣互數十里其間峯谷  
巖壑言狀雖因地立名實皆太行也為中州巨鎮其

山脈連綿千里  
其於河內之北  
亦太行之北也  
其於河內之南  
亦太行之南也  
其於河內之東  
亦太行之東也  
其於河內之西  
亦太行之西也  
其於河內之南  
亦太行之南也  
其於河內之北  
亦太行之北也  
其於河內之東  
亦太行之東也  
其於河內之西  
亦太行之西也

秀林巖野逸張道遠桃花洞記云晉王良真人飛昇  
也上有三清洞清和觀桃花洞桃花洞元邱長春真人  
居此鍊丹有磨崖石刻青天歌瑰麗奇偉真仙跡也山  
爲紫陵村村倚蛟脊龕

東北三里爲蛟脊龕

舊志云在沐澗西南形如蛟龍脊背龕前有石刻蛟脊龕  
三字尙存年代失考

又東五里爲懸谷山懸谷泉出焉

舊志云在城西北四十里亦名元谷今名真谷寺府志云  
上有太平寺谿谷邃折危崖垂覆山腰靈泉迸出竹木陰

河內縣志

山川志  
卷九

二

森多唐宋遺跡今考隋重造太平寺殘碑山舊名窄澗谷  
殘碑尙存 唐僧肅然於此習禪遂著靈跡大歷七年肅上  
見金石 人禪房記云夤緣六七里攀援數十丈一壁却立直戴雲  
天兩崖翼張橫窺日月稽首則神靈交集笑語則雷風聿  
興其磨崖石刻最夥金皇統中訊公和尚亦居此焉東二  
里有仙神口上有二仙廟歲二月士女雲集四方來會頗  
稱勝觀其北麓爲山西鳳臺縣也又有千佛巖見造像記  
又東三里爲沐澗山沐澗泉出其寺西

舊志云在城西北四十里山勢四圍飛泉可沐女貞梧桐  
遍覆崖谷新雨初霽異鳥歌鳴使人有遺世之想相傳晉  
魏夫人修真於此今有沐澗夫人祠唐垂拱四年碑云孟

津南注控河流於馬頰太行北指啟山路於羊腸川  
屬風煙交會鬱彼仙觀揭焉中立又云巨石崔嵬像蓮  
而特秀奔泉漸瀉松澗以飛湍微靄觸石而流津清  
激泉而成韻瓊桃仙棗散綠垂紅珠寶金條含細佩紫  
林芳桂凌冬霰以揚葩五株仙杏負春而布葉莫不夾  
戶蘿羅字生垂簷接蔭可以返魂駐寄顏字忘憂愈疾洵  
異境也其靈光胙響在宋元時尤盛歲旱禱雨應時甘  
故歷代崇之崇寧時賜名靜應廟名人遊覽刻石蓋以十  
數其上有勝果院及鳴玉忘歸二亭鳴玉亭三大篆字尤  
奇

又東五里爲紫金壇

河內縣志 山川志 卷九

舊志云在城西北五十里突高千仞羣峯拱向上多白松  
每歲九日邑人登高於此曹石倉天下名勝志云紫陵澗  
水出焉今亦名白松嶺

又東五里爲雲陽山

上有壽聖寺今名雲陽寺焉元中統元年重修寺記云懷  
州之西北一舍餘里其山曰雲陽寺曰壽聖居山之中半  
四顧之羣峯甘泉上湧西南墻圍下承東北右隣紫金之  
巔陽瞻白玉之沁真蘭若寶方也其陰爲山西鳳臺矣  
系金壇南出八里爲臨川山有臨川泉焉

舊志云在城西北四十里山塢爲寺前後二池曰臨川

八里爲貝湖山貝湖泉出焉

水經注沁水又東倍澗水注之水北爲澗之山蓋古  
倍澗也舊志云在城西北四十里兩山夾澗高可插天  
峰林立長十里許幻化萬狀應接不暇澗水灤折至山口  
而浹邑人曰倍澗口也

又東四里爲三尖山

府志云在城西北四十里三峯聳列故名金史正大九年  
諸軍敗績於三峰山元兵與白坡兵合則三尖乃俗名耳  
今考金哀宗正大止八年明年正月改元開興四月又改  
元天興天興元年正月甲午元兵薄鄭州與白坡兵合丁  
酉大雪元兵及兩省軍戰鈞州之三峯山兩省軍大潰是  
合兵爲前日事而鈞州舊陽翟縣則三峯之不爲此山明

河內縣志

山川志  
卷九

四

矣北三十里爲鳳臺縣

又東爲馬頭山山後爲方山

舊志云在城西北三十里上有石柱鐵環俗傳洪水懷山  
時民嘗繫舟於此方山舊記所無與城東北方山別一山  
也

又東二里爲藥仙山

在城西北三十里

又東五里爲太行陁

舊志云在城西北三十里一名丹陁連山中斷曰陁太行  
首始河內北至幽州中有八陁此其一也府志云土人名  
陁曰爲入晉梁道元郡縣圖志云第一曰軹關陁在濟

源第二曰太行陁第三曰白陁在河內太行陁濶三步長四十里太平寰宇記亦同今候補縣倅吳君翰跋履山川經歷阻陵周流四旬登於簡記無可當白陁者殆人趨捷徑故道茅塞或土俗流稱本名遂荒卽小口之呼亦足證也上有關帝廟其陰爲澤州矣

又東十五里爲龍門山

舊志云在城北三十里今亦名月牙山上有白果寺焉其北爲山西

又東南出十里爲甘泉山

舊志云在城北二十五里泉甘木茂有甘泉寺焉其北麓二十里爲山西

河內縣志

山川志  
卷九

五

又東五里爲紅嶺山

亦曰紅蓮山在城北二十五里其右爲甘泉山陽爲西萬村陰爲碗子城而郡邑舊志皆云在城西北亦不言其道里未詳何審

北出二十里爲碗子城山

舊志云在城北五十里山勢峻險其路羊腸百折中有平地僅一畝許唐初築城以控懷慶澤州之衝其城甚小故名有羊腸坡焉曹學佺天下名勝志云碗子城關在太行山畔羊腸所經瀑布懸流實險隘之地也顧祖禹讀史方輿紀要云太行山畔山勢險峻羊腸所經上有古城亦曰

卷之九 正十年 大掠山西

河中進屯澤州塞碗子城既而守將周全以懷慶叛降劉  
福通察罕遣將守碗子城爲全所敗國初大兵攻山西自  
碗子城北破澤潞蓋南北要道也其言國初謂明初今有  
大口一通澤州焉

又東南出十五里爲水峪山水峪泉出焉

舊志云在城北四十五里泉流石磴間夜靜琤琮如聞琴  
瑟取以煮茶其味甘美邑中諸泉無出其右兩山葱蒼淹  
潤可嘉上有水峪寺爲習靜者所憩

又東南十五里爲孤山

舊志云在城東北五十里遠望如栲栳然四面陡絕丹水  
蜿蜒繞其下俯視羣峰似兒孫羅列土人祀真武於其上

河內縣志

山川志  
卷九

六

每上巳日士女駢集北麓爲山西

栲栳山前爲九峰山

九峯連綿故名山麓有九峯寺丹水自栲栳山下屈曲南  
流過九峯山出流於平地

又東二十里爲鳳凰山

在城東北三十五里俗所稱圪墻坡也

又東五里爲靈山

在城東北三十五里俗謂之靈山廟

又東十五里爲方山

舊志云在城北四十里蓋字誤東北非正北方也四面峯  
巒突兀丹水繞其北土田平曠頗爲腴美讀史方輿紀要

云周圍方正可容數百人也

又東十五里爲明月山課蜜泉靈井出焉

舊志云在城東北四十里山形如員月上有大明禪院清風菴皆金大定時山僧空相之所造也大明禪院在元爲寶光寺今爲月山寺自山坳層構而上最後爲憑虛閣高峻舒豁可以登高可以眺遠俯視其下田塍皆如圃畦烟火相屬縹緲不絕元寶光寺記所謂南則大川宏曠延袤嵩少北則羣峯高峙盪摩霄漢西綿盤谷東掛百巖者也閣右爲蒼公洞左卽課蜜泉從高至下松栢交蔭其極高處又多古栢或以爲皆空相以子彈著其上故名彈子栢云遊人多題壁者乾隆十五年九月

河內縣志

山川志

卷九

七

聖駕巡幸

駐蹕寶光寺蓋邑最勝處也山北柳樹溝出焉爲至潞安府隘口

又東五里爲栢山

舊志云在城東北五十里上有劉自然庵址

又東三里爲金傘山

舊志云在城東北五十里奇巖峭壁翠嶽可愛上有萬壽觀

又東十里爲雲巖山

舊志云在城東北五十里山谷深邃雲氣氤氳故名

又東十五里爲十二迴山

舊志云在城東北六十里山麓旋繞凡十二回讀史方輿紀要亦云

又東十五里為青山

俗名佛坡山舊志云在城東六十里倚太行之側林木青翠因名亦見讀史方輿紀要

曹學佺天下名勝志引圖經云城北者曰方山孤山以位勢方正介然孤立故名其在東北者曰明月山金華山華傘青字訛

山雲岩山西北者曰馬頭山三尖山各去城三五十里負倚太行之側轉望鬱葱中甚軒豁卓然雲表可以登眺有明月

寺在明月山萬壽觀在金傘山石柱鐵環在馬頭山所言皆與今同圖經不知何人所作惜不可得也今縣北面自西北

河內縣志 山川志 卷九

八

迄於東北列若屏障都與山西為境其道途所出尤為要害故誌之加詳焉

沁水源出山西沁源縣經陽城縣出太行山經濟源縣東北沙溝村入縣界窰頭村

水北岸為縣之利下一畝窰頭村其南岸為濟源縣地齊召南水道提綱沁水經懷慶府西北濟源縣之太行山東

南流經窰頭村南今窰頭村在紫陵鎮北紫陵鎮在武頭村少東北以舊言之實皆利下一畝也水入縣以北岸為

先故詳次水道皆以北岸言之山海經謂冥之山沁水出焉漢書地理志上黨郡穀

遠縣羊頭山世靡谷沁水所出水經沁水出上黨涅縣謂冥山注沁水即涅水也或言出穀遠縣羊頭山世靡谷案地理志涅水出涅縣沁水出穀遠縣其源自別穀遠蓋今沁源縣地經又言水南出出過沁水縣北又東過野王



北注沁水南經石門世謂之沁口魏土地記曰河內郡野  
王縣西七十里沁水左逕沁水城西附城東南流也案  
沁水縣蓋在今濟源縣東北境

東南經長溝村安泉水入焉

安泉水出陽洛山麓縣西北第一泉也連環五六泉若貫  
珠然土人名果泉東南流至小王范村屈南流穿村出沁  
堤依堤東流經長溝村南南流入於沁沁水南岸為縣之  
清下四畝覆背村也

又東南經龍泉村堯池水入焉

堯池水一名安阜河仙人河出陽洛山東仙人口南流七  
八里磨石嶺當其衝水分為二一逕東紫陵鎮西一逕西  
紫陵鎮東各行五六里復合為一東流入安阜河安阜河

河內縣志 山川志 卷九

出城西北三十里太行山麓捏掌村泉畔有堯廟廟前處  
處有水掬手可飲匯而東南蒹葭掩映灌田可糴流二十  
里入於沁沁水南岸西王曲鎮也水道提綱又東南至府  
西北有一水自西南來注之案今城西北並無西南來注  
之水安阜河自西北而來注  
於沁或南字誤水涇注沁水又東逕沁水亭北世謂之小  
沁城沁水又東合小沁水水出北山臺淳淵南流為臺淳  
水東南入沁水案今無所謂臺淳水者縣舊志古蹟圖即  
以堯池水為小沁水而府志云小沁城即覆背村龍泉村  
在其東堯池水於右出焉與注適合堯池即小沁  
水又名臺淳水也水道變遷古今異名理或然歟

又東經沁陽村邗水注之

邗水出城西北二十里邗泉村土人名葦園泉在邗臺鎮

東南南流十餘里倍澗寺東入沁其流甚微傍泉栽蓮風

馥郁堪稱香國水經注沁水又東倍澗水注之水北出  
五行之山南流注於沁案倍澗今名貝

濟府志云今在城西北貝澗山泉出兩山之間南出迤  
行俗名石子河南流數里至衛村東合堯池與水經注  
矣水經注沁水又東邾水注之水出太行之阜山即五行  
之異名也水南流邾城西故邾國也城南有邾臺京相  
璠曰今野王西北三十里有故邾城邾臺是也漢武帝封  
李壽為侯國邾水又東南逕孔子廟東東南逕邾亭西又  
南流注于沁府志云今水在邾城東與注文小異孔子廟  
故址在今七里橋邾亭雖不可考而倍澗寺當邾水西南  
出口處疑即古邾亭歟

又東經縣北西沁陽村流浚渠入焉

沁水北岸諸渠皆出於丹水九道堰獨流浚渠上流不可

見今自陳村其流方大南入於沁

又東康濟渠入之

康濟渠上流亦湮

又東經南華陽村下清南渠下清北渠入之

河內縣志 山川志 卷九

十

渠水上承丹水於九道堰五里至張家坡分為二屈曲南  
行入於沁

又東經郭巨寺村又東經北金村永興渠入之

渠承九道堰水至白龍廟後雞心石分為二東南行為中  
泗渠至沙灘園村復合焉永興渠屈曲南行約三十里入  
於沁

又東經北金村東丹水合焉

丹沁交會在利上一畝北金村東距城東北八里其南岸

為西王召村水道提綱沁水東經府城北而東有廣濟河

支津自西南穿城而東北流來會其北受大丹河水水勢

益盛水經注沁水東逕野王縣故城北水北有華嶽廟沁水又東朱溝枝津入焉又東與丹水合案朱溝枝津

無考殆卽水道提綱所云廣濟河支津者也而今穿城東  
北流入沁者爲濟水非廣濟支津廣濟支津又不穿城也  
濟水入沁在龍澗村東  
不與丹沁交會處相對

又東經劉村張金渠入之

渠承九道堰水一支爲小太保河東南行經七里長灘水  
順灘流入張金渠灘上爲小太保河灘下爲張金渠張金  
渠南流屈而東南三十里入於沁

又東經蔣村大太保渠入之其南濟水自西南來會焉

渠承九道堰水東南流至狄嶺村又東南行二十八里入  
於沁其南岸爲龍澗村濟水穿城自西南來合之

又東老武白沽二渠入之

渠承九道堰水至狄嶺村北播爲二其地西爲老武渠迤

河內縣志

山川志 卷九

十一

東者爲白沽渠各行三十里入沁

又東經胭粉莊張濟渠入之

渠承九道堰水東南流至十里店三郭渠水會之水自九  
道堰分流過新庄許良鎮遂店村至十里店合張濟渠東  
南流三十里入於沁

又東南董下西渠董下東渠入之

渠自九府墳首受西民渠水南流至辛莊村分爲二迤東  
者爲東渠迤西者爲西渠二渠各行三十里東渠至東界  
溝村入於沁西渠至陳村入於沁舊統名曰董下渠無東

西之別焉沁水南岸爲尙香鎮水經注沁水又東光溝水

注之也水首受丹水東南流界溝水出焉又南入沁水又東南流逕成鄉城北又東  
運中都亭南又合界溝水水上承光溝東南流長明溝水

出焉又南逕中都亭西而南流注於沁水也案今光溝界  
薄長明溝之名皆不傳以地勢攷之西渠或可以當光溝  
東渠或可以當界溝蓋二渠上流同出似與注合成鄉城  
舊志云相傳府東二十五里沁河南尚香鎮有古城濠即  
成鄉城故址中都亭今爲內都村  
永敢臆斷述其治流以俟博聞

### 又東經內都村

其南岸爲徐堡鎮

水經注又東南逕成鄉城北又東逕中都亭南謂沁水也而府志以爲光溝水

云光溝水逕中都亭南不知上言又南入沁水則言光溝之事已畢下言又合界溝水則明爲界溝之入沁而府志蓋誤讀也

### 又東經武格寨入武陟縣界

其南岸爲武德鎮少東爲西張計村入武陟縣境

水經又東過周

縣北注縣故周也有白馬溝水注之水首受白馬湖湖一名朱營陂陂上承長明溝湖水東南流逕金亭西分爲二水一水東出爲蔡溝一水南流注於沁也趙一清水經注釋云縣故周也之周當作州漢志河內郡之州縣也又水

### 河內縣志

#### 山川志 卷九

三

經注清水篇清水又東南流吳澤陂水注之吳澤陂在修武縣西則界溝水入焉水有二源北水上承河內野王縣東北光溝爲長明溝溝水又東逕射犬城北東入石澗東流蔡溝水入焉水上承周縣北白馬溝東分謂之蔡溝東會長明溝水案武德鎮即古州縣城也元魏於此置武德郡見武定五年武德郡于府君義橋石象碑金亭或謂即今之金城鎮射犬城在清化鎮東南白馬溝長明溝無可攷證沁水北岸武格寨西有白馬口村或即白馬溝水注沁之地注言一水東出爲蔡溝今一水東出經修武縣城南爲小丹河或即蔡溝歟

丹水源出潞安府西南山歷高平澤州繞縣北栲栳山方山

### 經九峯山出山

水道提綱大丹河經懷慶府北境之方山東又東南出山

流分爲二其東流者曰小丹河東北經修武獲嘉與衛河

合者也其南流曰大丹河至懷慶府城之東北入沁水

地理志高都縣莞谷丹水所出水經注水出上黨高都縣故城東北阜下俗謂之源源水山海經曰沁水之東有林

焉名曰丹林丹水出焉卽斯水矣迤二石山北而各在一  
山角特相望南爲河內北爲上黨二郡以之分境又東南  
出山逕郟城西城在山際俗謂之期城非也府志云相傳  
方山下水曲竹木交蔭卽丹林以當沁水東也則經之言  
出謂出山非源出於此案山海經其東有林焉名曰丹林  
丹林之水出焉上文謁戾之山其上多松柏有金玉沁水  
出焉南流注於河則其東有林蓋承謁戾之山而水經注  
引之曰沁水之東有林焉下文歷書丹水所經自高都縣  
始則謂沁源在西丹源在其東與山海經本文原無不合  
至縣舊志古蹟圖直以丹林在縣內丹水之曲而府志亦  
因之蓋誤讀也新唐書地理志  
丹水開元十一年更名懷水

出山東南行其一水東出者爲上秦渠次爲小丹河又其次  
爲西民渠其一水西出者爲上清渠

上秦渠在諸渠之上直東行至九府墳南分爲二一水東  
南行二十四里至太史庄入小丹河爲東民渠上秦渠行  
三十三里至八石河止凡此諸渠皆分流灌溉民資其利

### 河內縣志

山川志  
卷九

三

小丹河亦曰運河自襍夫房斗門分丹水東南行歷九府  
墳清化鎮南太史庄金城鎮末庄橋至小中里村南入武  
陟縣通志云上秦渠小丹河東流入衛濟漕康熙二十九  
年四月河督王公新命巡撫閻公興邦親勘 題定每歲  
三月一日起至五月十五日止用竹絡裝石橫塞八河渠  
蓋塞九道 使水歸小丹河入衛濟漕留涓涓之水以溉地  
堰之八 至五月重運過完則開八河渠用竹絡裝石塞小丹河口  
以防山水漫溢其小丹河經修武獲嘉以達合河鎮之處  
若有淺阻卽河各官量爲疏濬西民渠首受丹水於九道  
堰過九府墳東南行二十四里至太史庄與東民渠南北  
兩岸入於小丹河上清渠首受丹水西行迤南歸康濟渠

入於沁

又東南行出九道堰東西岸醜為十九渠

丹水自九道堰下東岸出者為花園渠郭魯渠流澇渠陳  
添渠張金渠小太保渠大太保渠老武渠白沽渠張濟渠  
三郭渠西民渠董下東西渠西岸出者為中泗渠永興渠  
下清南北渠康濟渠流澇渠凡十九渠自九道堰出引以  
溉田歷載久遠碑石無有創興之代不可考見沿俗名稱  
為九道堰云

屈西南行經辛店東

丹水雖分流為十九渠而經流尚盛屈而西行其西岸為

辛店鎮東岸為許良鎮也

水經注丹水又南屈而西轉光溝水出焉光溝見沁水條

河內縣志

山川志  
卷九

十四

又南行屈而東過三仙廟西花園渠合之

渠受丹水於九道堰與郭魯渠流澇渠同出至聖母廟十  
里長灘分流花園渠至二仙廟郭魯渠至崔庄流澇渠至  
閃拐店皆復歸於丹

又東南過陳村東陳添渠合之

渠承九道堰水自龍王廟至陳庄行十九里復歸於丹

又東過北金村東合於沁

水經注丹水又西過苑鄉城北南屈東轉逕其南東南流  
注於沁謂之丹口案苑鄉城縣舊志乾隆府志皆云在城  
北而不著其地亦不言其基址有無蓋莫可徵考久矣

濟水出濟源縣北原村東流至西倪作入縣界

濟水在縣治西南寬平一潄極西入界水道提綱濟濱源

出懷慶府濟源縣西北王屋山頂禹貢所謂沈水也東數十里出地東流經濟源縣城北水經注水有二源東源出所發因後謂之濟源城其水南逕其城東故縣之原鄉南流與西源合西源出原城西東流水注之又東逕原城南又東南逕絺城北案原城蓋卽水道提綱所謂出地東流之處今之原村是也絺城縣舊志以爲縣內付逢村是而府志辨之以爲當在濟源縣境內濟源縣志從之然顧祖禹讀史方輿紀要亦云付逢城在府城西南三十二里本名絺城較爲有據也

又東至柏香鎮西分爲二其一經鎮南爲猪龍河又名千倉渠經寬平二畝寬平三畝崇義鎮西南流入孟縣界其一經柏香鎮北亦曰順利渠逾廣濟渠東北流經十八里店十三里店北入城東流過利津橋舉仙橋北流過攬勝橋爲天鵝池東北流過覃懷書院穿禹王臺間出城經崇下三畝至利

河內縣志 山川志 卷九

下四畝龍澗村入沁

水道提綱又東分爲二派一經柏香鎮之南東南流入河一東流經鎮北又東曰猪龍河經府城南境又東經溫縣北境案提綱所言與今違異今以經柏香鎮南者爲猪龍河亦名千倉渠爲濟河正流其經柏香鎮北過宋庄倪作村北東北流貫城入沁者爲枝流而提綱所謂經府城南境又東經溫縣北境者爲廣濟渠在宋庄倪作村北濟水逾之以東北流者也提綱未嘗目驗遂混而合之以爲濟水入河之故讀其矣

沁水南逕石門世謂之沁口水西有孔山其水南分爲二水一水南出爲朱溝水今以水脈尋之當卽廣濟渠也其水上承沁水於

沁水縣西北自枋口東南流秦溝水右出焉又東南流右泄爲沙溝水也其水又東南於野王城西枝渠左出焉以

澗城漑東逕野王城南又屈逕其城東而北注沁亦朱溝

自枝渠東南逕州城南又東逕懷城南又東逕殷城北洪亮

吉乾隆府廳州縣圖志朱溝水又東南注於湖沁水於武

殷城在武陟縣東南積為陂湖湖右納沙溝水水分朱溝南派東南逕安昌

城西又東逕隰城北乾隆府廳州縣圖志隰城又逕殷城

西東南流入於陂陂水又直武德縣南至滎陽縣北東南

流入於河先儒亦咸謂是溝為滂渠故班固鬪駟並言滂

永至武德入河蓋滂水枝瀆條分斷在布稱亦兼丹水之

目矣

又云濟水故瀆東南合奉溝水水上承朱溝於野王城西

東南逕陽鄉城北乾隆府廳州縣圖志陽又東南流逕李

河內縣志 山川志 卷九 六

城西於城西南為陂水號曰李陂乾隆府廳州縣圖志

漢書地理志上黨郡洹氏楊谷絕水所出南至野王入沁

水經注絕水出洹氏縣西北楊谷東南流逕洹氏縣故城

北東南與洹水會東南入高都縣右入丹水而漢志又言

丹水東南入洹然則水經注及今所稱之丹水班氏謂之

洹水矣邠水堯泄水光溝界溝長明溝白馬溝蔡溝皆見沁水篇

堤工附

沁河堤府志云南岸隄西自覆背村接界起至西張計村交

武陟縣界止長七十里北岸堤西自東窰頭村接界起至張

武村交武陟縣界止皆沿河村民修築惟南岸堤內古陽堤

六里鑲築埽工遇險則合縣公修官設堡房三座堡夫十名



看守修填堤頂何塘重修沁河堤記曰懷慶府城北二里

其來蓋亦久矣成化年間隄漸陵今十八年夏秋之交霖雨

大作河暴漲决隄毀城摧房垣漂人畜不可勝紀日照陳公

時守懷慶徵徒役修築之隄復高厚完善迄今餘三十年矣

復漸陵奪比年夏秋之交每霖雨河水暴漲輒至城外

守郊城周公議欲修築以勞費重大迺請於巡撫都御史李

公公曰修隄防以禦水患政也雖勞費固不得已况親王在

此尤有不可緩者其亟圖之迺經畫區處計隄之當修築者

西起迴龍廟東過真武廟長凡三百一十丈有奇高約二丈

有奇起迴龍廟於正德十二年正月訖工於是年四月太守公又

合沿隄種樹千餘株蓋亦為護隄設也既落成屬某請記成

績於石以示永久遠籍惟天下之患備於未然則力省而功倍

患至而後圖之非惟勞費不貲往往有不及事之悔古人於

隄防籌渠之類歲加修治職此故也惟茲隄使十八年以前

有人修築則可以免墊溺之患奈何其不然者今太守公及

河之未大為患也先築隄以備之其為民之德甚厚然亦勞

且費矣嗣是而後歲加修築俾補使茲隄不至陵奪則吾人

墊溺之患其永免乎故記其修築始末復係之以此告後人云

河內縣志 山川志 卷九

古陽堤府志云城北二里創始無考即沁隄南岸之別名也

沁水西來至此南趨折而東北城北田廬歷患水冲土堤不

足抵禦明萬歷間知府史公東昌輦家貲數千金創築石堤

西起回龍廟俗名天師廟東至張莊長六里民勒石紀功名曰史

公堤今年久石塌加鑲埽功防嚙堤根要樞重修古陽隄記

其在黃河之北沁河之南黃河去郡城稍遠沁河偏近郡城

穿斷北關而北關顧在沁之兩崖沁河來自山西穿太行而

前下在濟源河內之交斜倚東注過郡城東北角陡折而南

丹河出山處播為十八溝以灌田會於丹達於沁亦在此境

河陡折則水多旁溢壑瀾會趨則舊道弗能容夏秋汎漲壅

沁倒流决隄崩城恒出於此故老相傳八十年前為成化壬寅古隄不固水入城漂没人畜房屋甚眾太守日照陳公築隄於水退之後又三十餘年為正德己亥太守鄭城周公重加修築修撰何先生碑記可考至嘉靖丁巳四十餘年水旋隄薄决於上流而南下繞於城南關被害文定公書院百楹比餘一室水退人安其舊守土者恐勞民但塞其罅隙而已

又十三年隆慶庚午夏大旱河內參政內江高公來自吏部分守河北駐節懷慶躬率父老士民祈禱浹旬驟雨如注者五日河復決於舊隙公立城上督九衢百姓填塞南門城中得免於難公曰不一勞者不永逸乃相其高下之宜察其緩急之慮築隄起自迴龍廟下達丹沁會流之股凡幾里幾百步役夫幾千幾百名人樂趨事時加稍食始於是年秋九月所事既竣康侯欲紀之於石以示久遠遣使請記於山東愚聞之先民有言燕雀處堂不如鴟鴞之禦雨也禦雨於雨繆何及故曰迨天之未陰雨未至而修隄防者以之孫武有言善戰者無智名無勇功為民父母不見有所施為而功自告成者以之乃若官為傳舍肥瘠若秦越有所感於凡事立也審錘未動磬磬已作有感於不動聲色而事有終也豈獨為紀成績而已乎傳曰作事者法

斜隄府志云乾隆二十六年新築知府沈公榮昌新築斜堤已秋七月壬子霪雨山水暴下丹沁並漲是時黃水亦陡長南賈口不能洩沁入河沁水漫決古陽隄灌北城又東決尋村隄二百七十八丈七尺奪溜由清風嶺入黃欽差戶部左侍郎裘公日修馳驛履勘奏上發帑四萬兩借給里民修築分十年帶還於是知府沈榮昌集河武兩邑士民宜

河內縣志 山川志 卷九

六

上恩德分別工程多寡緩急河內借帑二萬三千兩武陟借帑一萬七千兩選公正紳士耆民經營出入分司工料定議乘冬涸澇築尋村決口俾大溜復歸南賈口故道次築古陽隄三百四十四丈其鎮海寺埝石隄八十二丈及兩岸殘缺處不可勝計皆補葺之但古陽隄既恐沙根走溜而北岸漲灘逼溜南沖大為城北之害乃於隄外加築斜隄二百三十七丈俱護以埽工西起馬坡村東止固圍村又於西起處築挑水壩三十丈周圍鑲埽埽用以禦北岸之水為南岸重門保障其武陟陶村木藥店等十四處殘缺三千三百七十七丈亟須修補石荆村築月隄三百丈大樊村築月隄三百丈均於十月開工議上荷大中丞胡公寶琮躬臨勘示士民踴躍趨工於臘底大段告成自春融至夏復加培寬厚蒞事河內丞稽鳳朝晝夜下所實始終之是役也仰荷皇仁矜恤民艱是以人心感動費省而工倍然沁河沙底虛鬆見諸奏牘自洪水汎濫水去沙停東北沿隄民地皆為沙磧築隄之土遠購數里外而河身日高培土益費則平時之督率堡夫積蓄土方勸諭村民預貯青稍秫楷為隨時培補修葺之計可不加之意與

丹河堤府志云長六里

小丹河堤府志云自太史莊起至武陟縣交界止長五千四

十五丈各岸各築小堤長與河等

道光三年七月沁河漫溢武陟縣劉村武陟士民王方策等

公呈撫部院請沁水改道由河內東潯村武陟西南保安庄

西頭澗溝入黃董樑劉功垂等又請由懷慶府西二十餘里

入黃云故道尚存通考沁水經流見於漢書地理志詳於水

經注數千年來從無異道而王方策等忽議改流殊為創獲

蒙大中丞程公方伯楊公屬護理河北觀察王公署懷慶太

守李公黃沁司馬鄭公督同武陟令王君及通躬親履勘繪

圖牘報撫部及方伯均蒙允准改道之議遂寢其牘曰據該

劉功垂等所稱沁河舊由府西二十餘里入黃之處按廣輿

記沁水在府城北又按水經注沁水出上黨沮縣謁辰山南

過穀遠猗氏陽阿等縣出山過沁水縣北至野王縣又東與

丹水合又按懷慶府志沁水自濟源縣西北地名大坡接山

河內縣志 山川志 卷九

九

西陽城縣界入郡境東經河內武陟達於黃河計長一百九

十里此現在東流大河之來源也又按濟源縣志沁河源出

山西沁源縣銅鑼山由澤州至縣東北三十里出山名枋口

隋大業時引水為渠灌漑民田始曰利民渠元中統間復開

渠修堰名曰永利河至明嘉靖間復於五龍口開利豐渠又

分為利仁豐稔二渠萬歷間河內令袁應泰復於五龍口開

廣濟渠又按河內縣志縣令袁應泰鑿山開洞自枋口引沁

水由濟源縣界入河內經溫武二縣出唐郭村入黃河廣八

丈長一百五十里分二十四堰使水各有時刻此由枋口以

下鑿山開洞引沁水經南岸灌漑民田之來源也大河東下

每逢盛漲衝決堤岸歷代為患而五龍口三洞之水建開

放使水有時分支別堰運趨東南灌漑民田俱成利地五縣

民人賴以無旱潦之虞者千餘載該紳民呈稱府西二十里

入黃之處查自府城西去二十里各覆倍村為河內所轄再

西為曲冢即濟源縣界其間並無往來口形迹詢之耆民

搜尋舊卷亦無何年該處決口之案附近村庄稠密廬墓連

綿由濟源河內交界經溫縣而至武陟境內一百餘里其永

利渠專利於濟源利仁豐稔等渠為利於河孟溫武者甚夥

而廣濟河東達黃河尤為四邑之利今據紳民所呈沁河改

出彼處行走其意似以沁河南岸河渠接連且廣濟河由濟

源而至武陟所轄之董宋村入黃數百年來毫無阻滯水僅

趨東渠道深濬可以因勢利導使入黃河不知覆帛曲冢之

間南至孟縣城六十餘里自孟縣城至黃河十八里黃河  
勢淤高舊有小金堤所以禦黃今其工已閉則河灘高勢  
黃更可概見此逕南之不能改道也若東南由溫縣境內改  
道查溫縣志有清風嶺一道東西綿亘四十五里直至該縣  
東境平皋村與武陟董宋村接壤南高於北水勢亦不能踰  
嶺而赴黃河此東南之不能改道也且廣濟等渠利水由西  
而東若任沁水南行則直衝而過不特現無出路即使可行  
而將渠水穿破使勿東趨是使數邑民田萬年之利一朝而  
廢民情地利均屬格礙難行若云就廣濟河之勢逕往東趨  
似為順利又不知廣濟河自濟境而東由郡城之南橫亘而  
過去城僅三里餘再東至龍澗尚香鎮馮村等處曲折入  
武陟縣界保安庄南至董宋村入黃寬僅五尺深僅二尺涓  
涓細流居民賴以灌田於渠邊培土為稍壅之使高於地者  
一夫一尺不等以便因時放水入田水足仍將缺口補完不  
諸芥子以大河寬處至四五里窄處亦一二里當盛漲之時  
拍岸平堤尚復時虞崩決一經引入如不築堤岸則漫溢所  
至膏腴之產悉化沙礫之場兼之逼近郡城四散橫流為害  
既烈如築堤以束使其東趨無論地勢綿長經費之鉅無款  
可籌且計其大溜所至中流須佔民田數十丈再留讓其  
溢之地即以此現在大河最窄之處一里而計數十里中應佔  
民田何止數百頃該處利地每畝價值五六兩又何能按

河內縣志

山川志

照給值至減則豁糧尤非民願此又東行之不能改道也該  
紳民等不悉情形自陳臆說應無庸議至王方策等請將沁  
丹兩水由河邑尋村經武邑保安庄西頭澗溝入黃之處查  
尋村正南稍東至崔范庄十五里崔范庄稍東至董宋村八  
里計長二十三里尋村於乾隆二里之間疊經决口最後為乾  
五十八年其决口之處近堤二里之內尚有沙壑形迹躬親  
履勘遍詢兩邑耆民據稱乾隆五十八年河决尋村出口門  
南趨二三里即折而向東由河內縣界之武德鎮花園頭西  
張計入武陟縣界郭疋東張計等處經大司馬王祿高庄直  
趨見口帥亭而出其所近清風嶺地勢南高不能漫過遂加詳  
驗該處南面地勢稍高武德鎮迤東嶺形低窪舊河經過之  
處形迹宛然尚存其所請由武陟保安庄西頭澗溝入黃之  
意亦緣廣濟河由尚香西來經北崔范庄二仙廟北孟遷南  
孟遷東至保安南折至董宋村趙庄之間入黃復有濟水自  
河內境之龍澗入沁其下游有撤水滂河一道東趨由河內  
境馮蘭鞏庄至武陟境二仙廟等處歸入廣濟河其廣濟河  
自保安以南復有澗溝兩道夾河帶而南亦至董宋村南過  
黃河沙灘而止是以該紳民等以此兩河均可入黃則引沁  
歸黃似有建瓴之易卑職等詳為查看廣濟河帶高狹既不  
能容受兩河之水如逼使南趨則清風嶺高於北面當年疊  
次决口從未有至二仙廟誠如撫憲

次漫口何以當時不就便疏改以詢神民均亦無詞可答此  
時黃河日就墊高即董宋村南廣濟河入黃口門連年黃水  
盛漲便行倒灌村前灘地可驗查武陟沁水原舊入黃之處  
寬濶不下數里尙復不能宜洩何能於岡嶺之間欲收建甌  
之效倘以武德鎮花園頭河形可循則放水後仍須趨大司  
馬循武陟縣城西南而至方林草亭下游仍無出路早職等  
疆址雖分畛畦無別如有一勞永逸之計有益民生敢不俾  
體病瘼在抱愛護災黎之意曲爲設法惟息脛續鶴固非人  
情所甘而削趾適屨亦非兩全之道合將遵札詳勘格礙難  
行之處據實具詳並將尋村一帶情形繪圖呈覽是否宜當  
伏候施行

河內縣志

山川志  
卷九